Hattak Móma Iholisso

Ishtaa-ava Ámmo'na Holisso

Hattakat yaakni' óyya'shakat mómakat ittíllawwi bíyyi'ka. Naalhpisa'at hattak mómakat immi'. Alhínchikma hattak mómakat ishtayoppa'ni.

Hookya nannalhpisa' ihingbittooka ittimilat taha. Himmaka hattakat aa-áyya'shahookano ilaapo' nanna anokfillikakoot nannikchokmoho anokfillihootokoot yammako yahmichi bannahoot áyya'sha.

Nannalhpisa' ihingbittookookano kaniya'chi ki'yo. Immoot maháa'chi hattakat áyya'sha aalhlhika.

Nannalhpisa' ihingbittooka immoot maháahookya hattakat ikayoppa'chokmat ibaachaffa ikbannokmat ilaapo' nanna aanokfillikakoot yahmichi bannahoot áyya'sha.

Hattak mómakat nannaka ittibaachaffa bíyyi'kakma chokma'ni. Hattak yaakni' óyya'shakat nannalhpisa'a naapiisa' alhihaat mómakat ittibaachaffa bíyyi'kakma nanna mómakat alhpi'sa bíyyi'ka'ni.

Yaakni' hattak úyya'shakat mómakat nannaka yahmi bannahoot úyya'shakat holisso holissochi: Chihoowaat hattak ikbikat ittiílawwi bíyyi'kaho Chihoowaat naalhpisa' ikbittooka yammako hattakat kanihmihoot úyya'sha bannakat yámmohmihoot úyya'sha'chi.

Hattak yaakni' óyya'shakat mómakat yammookano ittibaachaffahookmaka'chi nannakat alhpi'sa bíyyi'ka'chika.

Hattak mómakat ithánahookmaka'chi.

Himmaka' nittak áyya'shakat

General Assemblyat

Nanna mómaka nannaka ithánacha ittibaachaffahookmakoot nannaka alhíncha chikat holisso ikbi.

AnompaKanihmo'sil

Himmaka' nittakookano hattak yokasht toksalicha'nikat ki'yo. Hattak mómakat ittíllawwi bíyyi'kacha nanna mómaka ittibaachaffa'hitok.

AnompaKanihmo'si2

Hattakat pisa ittimilayyokhacha kaniyaho aamintihookya mómakat ittíllawwi bíyyi'ka.

Hattakat yaakni' kaniya'o aamintihookya ittíllawwi bíyyi'ka.

AnompaKanihmo'si3

Hattakat hattak yoka'shcha aba'nikat imalhpi'sa ki'yo. Hattakat holiitopa biyyi'ka.

AnompaKanihmo'si4

Hattak yoka'at ikshoka'ni.

AnompaKanihmo'si5

Hattakat hattakaakaynika kalakshichit nanna impállammicha'nikat iksho nanna kanihmi ki'yoka.

AnompaKanihmo'si6

Hattakat mómakat hattak bíyyi'ka.

AnompaKanihmo'si7

Hattak naapiisa'alhihaat hattak mómaka ittillawwicha'nikat imalhpi'sa.

AnompaKanihmo'si8

 $Hattakat\ nannikchokmoho\_hattak\ iyahmohmikma\_naapiisa'\ alhihaakoot\ hattak\ yamma\_apila'chi.$ 

AnompaKanihmo'si9

Hattakat nanna kanihmi ki'yoka yokacha' ki'yo kanahoot nanna onhochika

AnompaKanihmo'si10

Yokashtokookma court ishtayyana inaapisa'akoot inaapisa'chi nannakat alhpi'sa biyyi'ka'chiho.

AnompaKanihmo'si11

Kanahaat nanna ikchokmoho yammohmi imahoobakmat naapiisa'alhihaakoot nannakat alhpi'sa biyyi'kaho inaapiisa'chi, anompa loma'nannakya ikshoho.

Nannakat ikchokmoho ishyámmohtok ki'yokya naapiisa' alhihaat nannalhpisa'a ilánchikma falammisht anompa achonhochi banna'nihookya yahma' ki'yo, naalhpisa'at ikshokishtokootoko.

AnompaKanihmo'si12

Nanna ishkani<u>h</u>tok ki'yohootoko<u></u> kanahaat nanna chiikan<u>i</u>hcha' ki'yo.

AnompaKanihmo'si13

Kaniya'o aya chibannakmat ishiyya'hi biyyi'ka. Kaniya'o ónta chibannakmat ishónta'hi biyyi'ka.

Yaakni' kaniya'ookya ishiyya'hi biyyi'ka. Aatokmat falamat ishaa—attatokma aya chibannakmat ishiyya'hi biyyi'ka.

AnompaKanihmo'si14

Kaniya'o\_ishontaka\_kanahaat ikayoppachokma\_kaniya'ookya ishiyya'hi biyyi'ka.

Nanna ikchokmoho\_ishyammohmikmat kaniya'ookya ishiyya' ki'yo.

AnompaKanihmo'si15

Kaniya'oʻishaa—attattookookya kaniya'oʻaya chibannakmat ishiyya'hi biyyi'ka.

Kaniya'o\_ishaa-attattookmat ánta chibannakmat ishánta'hi bíyyi'ka.

AnompaKanihmo'si16

 $Hattakat\ ihoo\ t\'awwa'at\ kaniya'o\_ittihaalalli\ bannakmat\ ittihaalalla'nikat\ imalhpi'sa.$ 

Ittihaalalli ikbannokmat ittihaalalla'ki'yo kaniya'ookya.

Kanahaat ittihaalallittookat inchokka' chaffaat úyya'shakmano holítto'pa.

AnompaKanihmo'si17

Hattak mómakat nannakat imáyya'sha bíyyi'ka.

Kanahoot imaaisha' ki'yo immi'ootoko.

AnompaKanihmo'si18

Kanahaat nanna aayimmikat ittimilayyokha biyyi'kahookya, nannaho ayoppachi bannakmat ayoppacha'ni.

AnompaKanihmo'si19

Nannaho anokfilli chibannakmat ishanokfilla'ni. Nannaho holissochi chibannakmat ishholissocha'ni. Holisso nannaho ittimanompoli chibannakmat istimanompola'ni.

Anompa Kanihmo'si20

 $Nannaho\_ishtittanahaat \'ayya'shcha ittibaanokfillika\_ibaaf\'ayyokha chibannakmat ishibaaf\'ayyokha'ni.$ 

Nanna ishtáyya'shaka ibaafokha ikchibannokmat ishibaafokha' ki'yo.

AnompaKanihmo'si21

Ittibaachaffahookmat hattak mómakat naalhpisa' ikba'ni.

Kanahaat naalhtoka' nannaho\_malili bannakmat malila'ni.

Hattak mómakat kanaho naalhtoka' atookoli bannakmat imvoota'chi.

AnompaKanihmo'si22

Kanihmit ánta chibannakat ishahánta'ni. Kanaho ishhottopacha' ki'yo.

AnompaKanihmo'si23

Aatoksali' chokmakillaho hattakat aatoksala'ni.

Kaniya'o ishaatoksalikat hattakat toksalikat kanihmi imalhtobahookma ittillawwihoot chimalhtoba'ni.

Ta'osso lawaho ishikbihookmakoot aa-atta ishhayocha'chi.

Uniono ibaafokha chibannakmat ishibaafokha'ni.

AnompaKanihmo'si24

Ishtoksali bíyyi'kaka hashi' kanalli kanihmika chimahookmako ishfóha'ni.

AnompaKanihmo'si25

Nanna mómaka ishatahlihookmaka'chi — ishimpa'chi; naafokha; ishaa-atta'chi; alikchi' ishimayya'chi — mómaka ishatahlihookmaka'chi. Nannahoot chikanihmihookma kanahmat achipilakmaka'chi.

Chipotaat kaniya'o aamintihoot úyya'shahookya kanahmat apilakmaka'chi. Ishki' mómaho apilakmaka'chi.

AnompaKanihmo'si26

Chipota mómakat holissaapisa'aya'nikat imalhpi'sa, ta'osso nannikimikshohookya. Kana mómakat nanna aaithana'aya bannakmat aya'ni.

Hattakat nanna aaithana' ayakma nannakat alhpi'saho imanolikma chokma'ni.

Chipota ɗyya'shakma ishki' inki' tɗwwa'akoot holissaapisa' kaniya'o ayachi bannakmat ayacha'ni.

AnompaKanihmo'si27

Kaniya'oʻnanna ishtoʻyya'shakma kanahoot ayyacha ibaayahmi bannakmat yahma'ni.

Kanahookya nanna ikbicha kanchi bannakmat kancha'ni, ta'osso isha'chikat.

AnompaKanihmo'si28

Anompa kanihmo'si yappa hattakat haklocha kanihchit anokfilli bannakmat anokfilla'ni. Nannaho kanihmi bannakmat yahma'ni.

AnompaKanihmo'si29

Kana mómakat ittapilakmakilla.

Hattakat naalhpisa'ikbi, hattak apila bannahoot. Naalhpisa'kobaffa'ki'yo.

Anompa kanihmo'si yappat alhkaniya' ki'yo.

AnompaKanihmo'si30

Holisso tobattooko kanahookya ikimalhkaniyyoka'ni.